

崑新兩縣續補合志卷十五

游寓

宣昌緒字桂伯嘉定諸生少從父陳奎館於張浦學有淵源博極羣書而性耿介持正不阿嘗應京兆試喪其貲斧徒步數千里不肯乞貸於人晚年客授甫里及門之在張浦者有因善舉苛派貧民布捐昌緒貽書切責之并言於縣令罷其議人憚其嚴正事必諮而後行歸沒於嘉城年七十有一所著留讀齋詩已梓行

葉祖鼎稿

周錫祉字敏甫守安其自號也世居吳縣負郭之楓橋庚申避亂僑寓新陽正義鎮事繼母以孝聞習醫家無恆產資技術以養親雖屢空不干求人繼母患疔晝夜侍

崑新兩縣續補合志

卷十五

游寓

一

奉爲求瘍醫冒暑行十餘里經旬無倦色當寇偏新涇時繼母投水死身爲賊斫負創治喪仍盡哀盡禮明年祖母亦卒諸兄以道梗不通音問養生送死皆獨任之丙寅兄靜甫以京兆試歿於都門迎其喪歸爲猶子納貲爲縣主簿其勗從子輩以讀書明理勿計聞達爲期性介而和遇事矜慎而勇於爲義從兄尙綱歿挈其三子同居飲食教誨二十餘年如一日亂後連葬數喪族中未葬者傾所有助成之生平不治舉業而喜讀儒先理學書於姚江之學尤爲服膺晚年家稍裕思葺先塋以體衰多病不果臨終猶以爲憾卒年六十有四

沈嘉澍墓

誌

陳慶甲號稚葵別字補愚嘉定人自幼穎異強記能文未弱冠游庠尋食餼從游甚眾因繼娶崑城王氏遂移家焉爲人靜默寡言笑而秉性慈祥取與不苟本宗胡氏安定義莊舊有藏銀二錠室燬於髮逆之亂索之不得適行經其地見土墳然蹴之得銀攜送莊主事無人知者體素弱中年得怔忡證秋試五薦庚午癸酉兩試幾命中以微疵黜人尤惜之賊中所著曰望甦吟草金陵紀事詩難後所作曰來復吟草寸陰室吟稿代槩小詠語多悲感統名之曰補愚詩存已付梓卒年四十

補遺

元

崑新兩縣續補合志

卷十五

游寓補遺

一一

倪瓚字元鎮無錫人家固饒於貲所居有雲林堂蕭閒館清閼閣諸勝藏書數千卷手自勘定有潔癖見俗士避去恐浼工書畫至正初天下無事一旦盡鬻其家產以錢分贈貧交族屬人咸笑之及兵興富家多被剽掠始服其先見嘗扁舟箬笠往來湖泖閒自號倪迂亦曰懶瓚恆客顧德輝玉山草堂著有清閼閣集十二卷

許志稿

謝應芳字子蘭武進人爲人耿介尙節義長於根柢之學郡辟爲鄉校師先質後文學者爭趨之舉三衢書院山長不就元末避兵居甫里有辨惑編四卷龜巢集十七

卷

許志稿

周文敬字敬之吳縣人官平陽州吏目元末盜據吳遂居

崑山卒焉年七十四子克讓備以備貴贈承事郎知吳

縣事墓在天平山陰之龍池塢宋濂銘

潘氏朱志補

張雨一名天雨字伯雨號句曲外史又號貞居子錢塘人棄家爲道士點綴木石人物論意不論象古雅得六朝氣韻博聞多識善談名理詩文字畫皆爲當時道品第一嘗至京師館閣詞臣皆折節與交時客顧德輝玉山草堂會稽楊維禎尤推重之至正戊子卒年七十二

馬光

稿 楮

明

王圻字元翰松江上海人由進士歷官監察御史忤時相出爲福建僉事遷陝西參議乞養歸築室淞濱種梅萬

崑新兩縣續補合志

卷十五

游寓補遺

三

樹目曰梅花源杜門著述以老有稗史彙編洪洲類稿

許志稿

徐德孚字賓陽原籍新安設質庫於淞南遂家焉性儉嗇甘菜根如飴也而於義所在則傾囊揮霍無所惜嘗奉臺檄命其子墾瞿山縱其出入不問初市北無梁東西渡者必迂其道捐資斲石建梁復於橋西鑿井構亭結精舍命僧冬夏施濟湯水行旅賴之以碩行舉於鄉賜八品冠帶崇其身子二長一端次一璧後名絃

淞南志

張于允

金鴻鎮洋志作于積

字晉三采從子敦樸有至性鼎革之際

自婁來崑依鄉塾以遯跡流離險阻蓄髮不屈丙戌同友某避地唐墅焚劫四起走小舟暫避覆水死

潘氏朱志補

周茂蘭字子佩郡人明吏部郎順昌子順昌遇難其戚有魏姓者眞義里人也嘗主於其家每出雖晴霽必屐繖而行示與閹黨不共戴天之意徐傳詩星湄詩話載其

事

崑山詩存

國朝

王遵晦字明先弇州裔孫未冠補諸生眉目秀拔丰神蕩逸人謂潘衛復生性敏而氣雄手不按唐宋以下書爲文根柢先秦浸淫漢魏旁及六朝矜才使氣不屑以繩墨自拘心慕司馬相如爲人亦有臨叩之遇常挈重貲載所私僦居西子湖邏者疑跡之已乃知太倉王公子也終以慢藏遇盜囊篋盡失而王孫家事亦發以通南

崑新兩縣續補合志

卷十五

游寓補遺

四

誣獄論死感賦梅花百律上總府郎公憐其才獄得解退隱淞南王士涇修整別業益肆力于詩文追念曩時不自愛惜致頽家聲歛趾不踏外戶研丹刺槧以著述自娛而士之聞名造請者玉帛香茗之贄紛列於庭乃應山西稷山縣聘參其幕事無何關西馬如龍總浙藩素相善邀赴藩幕暨巡撫江西復參撫幕事日今兩童子藝香執紈扇侍左右披羅衫據案裁答神思澹遠見者不知爲世人也暇則偕諸同事賭詩醉酒飲不逾蕉葉而興會不淺或詢臨叩事卽整容日月影斜窺琴音微逗此非相如盛德事乃猶挂齒頰耶固叩不答生平所著有詩文集二十餘卷康熙丙戌以疾卒年八十浮

葬黃土涇之左

唐瑀字鴻雪號岫嶠山樵常熟人有靜學齋詩稿寓邑之北鄉有寒食憶故園梨花及望蔚邨有懷確菴先生詩嘗遊平山堂時名士大集各授簡賦詩瑀詩成壓卷晚

寓槎溪以老

崑山詩存

顧能明字大經嘉定人少力學通經史爲人爽直有奇氣不習舉子業年壯不娶工書善琴及奕劍星卜之術父名諸生爲仇家所中死非命能明棄產避居甫里授徒自給喜栽植花木歿後生徒輩爲之殯殮

許志稿

姚齊宋字再元號古愚昭文學生先世自崑山遷常熟之支塘所著讀史彙編狎鷗軒詩文集甌塵紀略淞南筆

崑新兩縣續補合志

卷十五

游寓補遺

五

語嘉慶癸亥卒年六十七嘗僑居淞南刁埠庫

崑山詩存

吳毅號仁安吳縣人少年久客山西娶妻倪生二子庚申難作失散恢復後倦於游幕依壻強巷蔣氏栽花蒔竹慕靖節高風家中資而性好施與借貸者無不立應夏施藥冬施衣量力而爲孜孜不倦同治十一年卒年

七十五

蔣泰巽稿

方外

補遺

元

以下釋

妙道字竺元寧海陳氏子幼患右目母攜以禱於觀音像師仰見像之右目有小蛛窠乃爲揭去目患遂愈父母

以其與佛有緣俾投杭之六和正嚴寺披度至元乙丑  
出平邑之慈源遷崑山薦嚴仁宗詔主黃巖鴻福賜號  
定慧圓明年逾七十懷紫籙之幽勝乃往終焉

潘補  
朱志

德海字東嶼台州臨海陳氏子年十四從蜀僧安石出家  
參石林鞏於承天至元二十七年出家天台寒巖大德  
乙巳遷姑蘇寒山至大己酉住崑山東禪辛亥敕賜金  
襴法衣後住杭州靈隱泰定四年九月示微疾跏趺而  
化賜號明宗慧忍禪師有會語錄行世

潘氏朱  
志補

明

至訥無言福嚴寺僧善詞翰所交皆一代名人如趙松雪  
馮海粟柯丹邱鄭尙左陳眾仲最後交錢惟善輩有詩

崑新兩縣續補合志

卷十五

方外補遺

六

文真迹在孫叔英家無言卷尙留寺中又寺僧景燮頗  
能詩與葉文莊父春交善瘦削有寒士氣時澱山僧宗  
潮豐厚凝重一時爲鄉里所推俱見水東日記

潘補  
朱志

善學字古庭吳郡馬氏子年十二出家大覺寺十七得度  
爲僧從林屋清公受華嚴於光福明年聞曹溪寶覺蘭  
公道行往依焉得受法界觀門并元文要旨蘭公甚相  
契許稱爲入室若賢首疏鈔華嚴圓覺楞嚴起信諸部  
皆極深研究由是得盡法要作十元門賦示元宗大旨  
至正甲申無言宣公在報恩延爲上座宣政院請師開  
法崑薦福庚寅復主陽山大慈席學人愈眾洪武三年  
光福合道俗請師居之已而被累遣居池陽宋濂撰塏

銘吳釋傳潘氏朱志補

僧儻字日章常熟張氏子十七祝髮東遊四明時我菴無

公住延慶石室瑛公居育王皆待以忘年既首眾報恩

又為上天竺第一座出世住郡城永定教寺設法為慧

光嗣遷崑山廣孝洪武初善世院移文令住上天竺以

高僧選留京師數召入禁中奏對稱旨潘氏朱志補

景燮福嚴寺老僧頗能詩晚年益精進與葉文莊盛稱忘

年交燮風姿瘦削如孤雲野鶴詩亦如之葉盛論燮謂

有寒士之風殆不虛也淞南志

祖燈字一元自號靜菴住聖像寺精參禪理兼嫻吟咏搆

小樓三楹日吟咏其中顏曰松雲有靜菴遺稿潘氏朱志補

崑新兩縣續補合志 卷十五 方外補遺 七

法杲字雪山吳人居華藏寺參學于雪浪與巢松一雨齊

名王伯穀亟偁之著有雪山詩集徐達源甫里人物傳

如芸號草堂住持聖像寺精詩善琴一時名公卿爭折節

與交如邑令方思道楊南峯唐子畏文衡山屠文卿祝

枝山沈石田方矯亭改亭輩往來唱和無虛日淞南志

通夔字達初甫里錢氏子住吳淞海潮菴精梵典工吟咏

徐達源甫里人物傳

永寧字靜中號謚菴南新瀆邢氏子九歲依景德寺僧大

方出家稍長領牒住報國寺薦為僧會正德戊寅退居

景德而卒壽七十四性淡寂終日閉室端坐於父母兄

嫂生則養死則藏恩禮甚摯臨終命以母弟之子文什

爲後悉以鉢貲與之蓋墨名而儒行者葬景德寺後東

北隅甃磚爲壙方鵬志

潘氏朱志補

眞慧號禺川雉城蔣氏子事母以孝聞卻姻出家書法華十二部以報罔極力參有悟往印於王芝聚首眾飛囊院烏程令不崇三寶陷之於獄五毒備於體無完膚同收法侶咸謂飲酒可護榮衛勸師同酌師獨堅拒曰酒

爲大過犯吾佛首禁生死等幻耳不可破戒至夕說偈而逝隆慶元年事

潘氏朱志補

微徹姓葉名龍居麗澤門外幼失父母賣餅自給與隣崔文友善文素弱爲衣工龍雄偉凡文力所不勝者龍輒代之龍衣綻文爲箴補情同骨肉文娶婦許屋後向有

崑新兩縣續補合志

卷十五

方外補遺

八

相通戶龍欲斷之文曰弟家有井斷之則吾甚不便乃止許每遇龍言不及義龍若罔聞值文他往雨甚不歸夜中許託言牀被漏溼奔龍寢龍急趨至門外立雨中達旦後文患痢久龍微聞許欲乘病害之乃勸許昇文就醫東禪寺而免文病愈歸一日許似有神擊忽血崩死龍因誓不娶室薙染爲僧名微徹文亦願同出家名了徹同遊天台不知所終

潘氏朱志補

性來號本源俗姓曹氏河南汝寧府汝陽縣人年十九祝髮汝陽太平寺嘉靖甲子至崑山景德寺寺久漫漶葺而新之萬曆間募建望江菴玉柱塏其寂也鼻柱下垂尺有咫云張大復撰塔銘

潘氏朱志補

寂果字雪龕住仁壽菴能詩與歸昌世交善年八十餘化

去許志稿

杜峯廬山僧也少喪父出家勸其母亦薙染而隨侍之偕

至崑山梵行孝行人盡服焉邑人徐思萱願其父母之

得度也建靜室以養其母子居士盛歸有記潘氏朱志補

大朗字日公別號德休華亭賈氏子十九祝髮雲棲稟沙

彌戒於蓮池進具戒於憨山參雪浪瑞林備通性相張

魯唯延主馬鞍山後之清涼菴崇禎庚辰冬子夜趺坐

西向念佛而逝世壽六十四僧臘四十五塔於菴右影

堂靈隱戒顯銘著有金剛維摩永嘉語錄等注潘氏朱志補

國朝

崑新兩縣續補合志

卷十五

方外補遺

九

爾愚環和上康熙初住邑安禪嗣雪竇雲在為雪竇職庫

司三年有楊岐寶壽之風潘氏朱志補

超傑字樸菴干墩人俗姓顧廩膳生甲申後從靈隱脫白

住涌塔菴年七十二化去有樸菴集徐達源甫里人物傳

本齋號釣雲俗姓陳湖廣茶陵人年十六渡江至金陵謁

純湛法師純湛異之曰吾老矣吾徒若山可為汝師本

齋遂依焉徧參諸方謁磬山箬菴和尚授記而別順治

間天童木陳老人赴召隨侍左右聞陳溪湖寇竊發為

若山住錫地遂辭木陳往陳溪一日憇池畔忽見大魚

數十頭浮水面漸至千百不可數為說偈魚遂散去翌

日雷雨一蛟上騰池水盡涸因築為放生池寺在邑西

南陳墓今名蓮池禪院

崑山詩存

若愚餘慶菴僧精篆刻得鐵線玉筋之秘與梁逸並稱於

時

潘氏朱志補

維石早受法於普雲和尚軌行嚴苦陶鑄學者門多龍象  
足跡不一踐豪門以爲禪律當然至於接引徒眾雖田  
傭牧子皆視若同體與黃岳生李子普等游遂通韻語

所爲詩皆本性靈無一毫疏筍氣於其五十也朱用純

有文以壽之

菴溪志

亮修字密音原籍江陰出家準提菴得臨濟正法眼藏後  
受淞南啟請住持延福時山寺初建規模未具捐鉢資  
爲倡金像石座煥然一新復構傑閣五楹供奉經典寺

崑新兩縣續補合志

卷十五

方外補遺

十

塔久圯立願整修懇徐侍御樹庸繕疏倡緣竟不果一  
生操行精卓豎起脊梁參究話頭至老不少息後示微  
疾作西歸偈數則徧告徒眾合掌正襟而逝年七十有

二

淞南志

通明字固如崑山周氏子受法於華山汰如居包山十餘  
年蛛網栖牀凝塵在几素交禪侶不過三數人寂後錢  
蒙叟爲製塔銘吳梅村有包山寺贈固如上人詩

潘補志

無文號貞白鵠林僧與呼谷友善谷稱其詩語新體潔雅  
近中唐摘其佳句卽皎然齊已何多遜焉朱彝尊錄其

詩五章載入詩綜

崑山詩存

止愚浙人工詩善寫蘭及篆刻康熙閒主延福雍正癸丑

召見賜號悟空禪師任持西湖聖因寺

潘氏朱志補

戒顯字願雲號晦山又號晦堂太倉雙鳳里人俗姓王名

瀚字原達明季爲諸生有名鼎革後有恭謝聖廟入山

詩百首從靈隱三昧老人受菩薩戒住雲居山四祖道

場旋入廬山往來崑婁閒嘗主甫里海藏菴席著有晦

山語錄瀝血草罷菴詩匡廬集枝東雜著

崑山詩存

若几嘉定人主延福興福二寺雍正壬子召見終趙陵

潘氏

朱志補

秉彝字隨緣號植梅俗姓朱居闔閬性質直不欺年五十

餘從德林禪師薙染居東郊別墅精修淨土矢口成偈

崑山詩存

崑新兩縣續補合志

卷十五

方外補遺

十一

宗渭字紺池華亭人少學詩於宋琬繼遊尤侗之門得所

指授詩益工其所居菴名芋香葉九來迎之來崑割半

繭之歸雲閣處之亦顏曰芋香

崑山詩存

曉音字確菴住持邑西門外法雨菴嘗主郡中華山方丈

聖祖御製有欲遊華山未往七絕曉音和至百首進

呈著有高雲堂詩集

崑山詩存

顯三字月丹薙染於普濟寺後駐錫甫里海藏寺許廷鑠

評其詩清麗古淡有味外味著有澄懷閣學步吟草

崑山

詩存

行蔚綽墩山壽寧菴僧能詩有稿一卷

潘氏朱志補

天成字賢巖號松煙住趙靈興福寺能詩善畫有續蓮草

一卷

潘氏朱志補

靈湛號鏡菴崑山人曾主杭州六通寺席退居吳門晚得北郭禪室曰金井菴翦茆薙草灌畦種蔬自號華谿禪隱菴故有白業堂已廢靈湛為經營久之別葺一室復其名又搜得南來老人所遺詩卷及文待詔所書白雲隲額心益喜即請其友嚴同甫書楹帖紀之靈湛禪行甚高能詩善山水梅菊兼佛像人物其畫山水合宋元諸家法備氣足或潑墨為米老雲山或惜墨作倪迂小景無不工好交山人野叟瓶盃蕭然恆出伊蒲饌供客一日忽謂友曰塵囂苦煩欲作打包計天台石梁之間遍歷所在吾將老焉未幾遽示寂所儲古今人蹟及金

崑新兩縣續補合志

卷十五

方外補遺

十二

石圖章文房翫物多佳者自靈湛化去散佚莫可問矣

墨林今話

靜脩王學浩弟子善山水

王慶祉稿

元以下道

殷震亨

鎮洋志作殷震

號元振為寶慶觀道士好吟咏有在山稿

及感應篇集注簡驗醫方行世大德閒居崑山岳祠跌

坐出火自化

潘氏朱志補

明

龔遇仙佚其名素行誠樸一日遇道士授以靜坐之法遂

出家默坐久之掘地種作得異書能預知休咎時見靈

異人咸稱龔遇仙年八十餘無疾而逝

許志稿

曹太初不知何許人常來甫里寓居寺觀侈口蹙頰深目  
狀類胡人髭髯苴布嗜酒肉日就市飲噉醉或瞋目語  
喃喃不絕人咸謂之顛有農家被崇延太初至其所默  
坐移時聞叱詈聲若有所考核者嗣是其家寂然酬以  
金不受後之郡城化去

許志稿

國朝

魏有恆字元常恭簡公校裔孫少讀書以貧失業出家元  
白堂從張自震學道苦行有得康熙丁亥夏苦旱里中  
耆老建壇延有恆祈雨三日雨大沛當事給扁獎之

稿

許志

陳德溢邑大姚人康熙中大旱巡撫吳存禮延請禱雨有

崑新兩縣續補合志

卷十五

方外補遺

十三

應贈扁曰法沛甘霖雍正閒主松南清寧道院終老焉

性恬靜工詩及隸書醫卜地理靡弗通曉

潘氏朱志補

李象極字佐均號敬堂父可衛年四十餘生象極十歲能  
屬文常熟錢謙益以女孫字之年十二補諸生既喪父  
遭家難累試不售學道於馮班之徒每著靈異太倉大  
旱當事命州佐長跪請乃往以母性畏雷臨壇禱雨置  
起雷法不用三日而雨越三載邑亢旱邑令童某請步  
禱偕行烈日中降靄霖溼其衣咒土龍兩晝夜大雨滂  
沱然俱寂無雷聲又嘗緝補祈晴法自矢欲少積功行  
益母年壽卒之日沐浴更衣無疾而逝

崑山詩存

崑新兩縣續補合志卷十五